

CLASSIS VI.

DE

SALIBUS.

SALES NATIVI ET ESSENTIALES.

NITRUM DEPURATUM.

℞. Nitri communis ————— libram unam.

Dissolve & clarifica in
Aquæ fontis ————— libris sex.

Filtra solutionem, & lento igne evapora, usque dum in superficie liquoris quasi tela quædam sive pellicula appareat: repone vas in loco frigido: formabuntur crystalli prismaticæ, hexagonæ, candidæ, quas leniter siccatas in usus medicos servabis. Ex liquore superstite rursus decocto Nitrum minus purum ad alios usus colligere poteris. Quod si prima depuratione non satis candidum evaserit, dissolutio & crystallisatio methodo supra descripta iterentur.

In

In acutis & inflammatoriis morbis ob attenuandi, ac refrigerandi vim crebro usurpatur.

Dosis a scrupulo uno ad drachmam unam.

CREMOR TARTARI.

℞. Tartari albi puri ————— libras tres.

Decoque in

Aquæ fontis ————— libris sexaginta

ad sufficientem dissolutionem: liquorem adhuc fervidum cola per filtrum laneum, & evapora ad apparentiam pelliculæ: pelliculam ipsam rudicula collige, & supra chartam bibulam exsicca; sic perge ignem continuando, quoad non amplius pellicula appareat. Vel si ita lubeat filtratum liquorem, ac ut supra evaporatum transfunde in vas ligneum, & in frigido loco repone: concreſcent cryſtalli ad latera in uſum ſervandæ.

Utralibet ratione paratus adbibetur promiſcue: alvum mollit, ac primas vias leniter expurgat.

Dosis a drachmis duabus ad drachmas decem.

SACCHARUM CANDUM.

℞. Sacchari albi macri ————— libras decem.

Dissolve in sufficienti quantitate Aquæ fontis: clarificatum coque paulo ultra Syrupi consistentiam: immitte adhuc fervens in ollas terreas vitreatas, prius calefactas: ollas in hypocausto repone per dies

dies octo, Saccharum concrefcet ad latera cryftal-
lorum forma, & crufta in fuma parte formabitur,
qua difrupta, Syrupum intus contentum effundes,
Saccharum vero cryftallifaturn e valis eximes, &
leniter ficcabis.

In raucedine ac tuffi, ut reliqua e Saccharo preparata.

SACCHARUM LACTIS.

℞. Seri lactis Vaccini, a quo cafeus fecundus five re-
cocta nondum fuerit extracta — quantum placet.

Clarificetur ex lege artis, & filtretur; deinde
bulliat leniter in cucurbita, & evaporetur ad ap-
parentiam pelliculæ: reponatur in loco frigido:
concrefcet ad latera fubftantia falina, fubdulcis,
Sal nempe effentialis five Saccharum Lactis.

Specifici loco commendatur ad podagricos affectus.

Dofis a drachma femis ad drachmas duas.

Minus recte alii totam lactis fubftantiam inftar
Extracti ad ignem densari jubent: fic enim non
falina tantum, fed etiam cafeofa lactis pars in maf-
fam fubflavam concrefcit, a Saccharo Lactis legi-
time parato longe diverfam.

SAL ESSENTIALIS ACETOSÆ.

℞. Succu Acetosæ ex arte clarificati, aut aliter
optime depurati — quantum placet.

Coque igne lento ad Julapii dilutioris confisten-
tiam.

tiam. Inde in cucurbitam vitream, oleo desuper affuso ad lineæ altitudinem: repone vas in cella frigida per aliquot menses: concreſcent circa fundum glebulæ vel cryſtalli ſalinæ, quas effuſo per inclinationem ſucco ſeparabis, & aqua frigida celeriter ablutas ſiccabis ad uſum.

Ex aliis herbis ſimili ratione parentur Sales eſſentiales. E. G.

Sal Eſſentialis Beccabungæ,

Sal Eſſentialis Naſturtii aquatici,

Sal Eſſentialis Taraxaci,

Sal Eſſentialis Cichorii. &c.

quæ ſi minus ſucculentæ fuerint, affuſione aquæ puræ ſuccus diluatur. Quædam ſuccum habentes plus juſto viſcoſum fermentatione aliqua indigent: at ex multis Sal eſſentialis vix ullo artificio erui poteſt, quales ſunt aromaticæ, & oleo abundantes pleræque. Qui autem putant affuſione Olei eſſentialis, vel Spiritus herbæ cujuſque ad proprium Salem fixum lixiviale, artificioſe produci Salem eſſentialem haud dubie falluntur.

Variam habent indolem Sales eſſentiales pro varietate plantarum: alii nitroſi ſunt, alii aluminofi, alii vitriolici, alii alterius generis, plerique tamen ſubacidi. Ad obſtructiones ſolvendas, & chronicos morbos curandos in primis commendantur.

Dosis a ſcrupulo ſemis ad drachmam ſemis.

SALES FIXI LIXIVIALES.

SAL FIXUS ABSINTHII.

℞. Absinthii cum floribus collecti, & in umbra
ficcati — fasciculos quot volueris.

Incende per vices super aream mundam, & aperto igne redige in cinerem: hunc in olla non vitreata calcinabis, rudicula ferrea agitando, donec totus albescat, & nihil amplius. Calcinato decuplum aquæ ferventis affunde, ac digere per horas viginti quatuor, ut omnis salsedo extrahatur. Lixivium filtratum evapora ad pelliculæ apparentiam: repone in loco frigido: concreſcent ad vasis latera glebulæ salinæ cryſtallinæ, quas calore ignis leniter exſiccatis ad uſum ſervabis. E lixivio reſiduo iterum evaporato Salem rurfus colligere poteris, ſed coloris obſcuri, & qui aeris humiditate facile reſolvatur.

Eadem ratione ex aliis herbis Sales fixi parari poſſunt. E. G.

Sal Fixus Agrimonix,

Sal Fixus Artemiſiæ,

Sal Fixus Anonidis,

Sal Fixus Cardui Benedicti,

Sal Fixus Centaurii minoris,

Sal Fixus Ligni Juniperi,

Sal Fixus Tamarifci,

Sal Fixus de ſtipitibus Fabarum. &c.

Sales

*Sales ita parati alkalini sunt omnes, hinc absorben-
dis acidis idonei: conveniunt in morbis a lentore, mu-
cosa pituita, & alimentorum acescentia productis. Interim
suarum herbarum naturam & facultates non retinent.*

Dosis a granis sex ad grana triginta.

SAL FIXUS ABSINTHII

METHODO TACHENIANA.

Rx. Absinthii ut supra collecti & siccati
— quantum placet.

Ustuletur in sartagine ferrea cooperta, igne per gradus aucto, quoad vertatur in carbonem nigrum. Immitte novam herbam per vices in sartagine, quæ sic aperta maneat, ut impedito aeris ingressu flamma non accendatur: ita perge dum herbæ sic ambustæ sufficientem habeas quantitatem. Sublata lamina, maneat sartago aperta supra ignem: herba ustulata incipiet igniri: hanc virga ferrea perpetuo movebis, ne in flammam erumpat: vertetur paulatim in cinerem subalbidum; quem adhuc supra ignem per horam relinques, semper agitando, ut penitus albescat. Cineri sic parato decuplum aquæ bullientis affundes, & lixivium extrahes, quod filtratum ad siccitatem evaporabis: remanebit massa salina, quam in crucibulo candenti liquefactam supra tabulam marmoream projicies. Erit Sal Tachenianus, quem si adhuc puriorem desideres, rursus aqua dissolves, & evaporabis ad pelliculam, ut fiat ex lege artis crystallisatio.

Ccc

Pos-

Possunt ex aliis herbis eadem methodo simillimi Sales comparari.

Mitiores fere sunt quam Sales fixi vulgari methodo parati. In obstructionibus reserandis, excretionibus promovendis, sudore in primis & urina, effectus præstant egregios: nocent in putrida humorum alkalescentia.

Dosis a granis quatuor ad drachmam unam.

SAL ABSINTHII FIXUS

CUM SULPHURE.

℞. Cineris Absinthii ————— libram unam,
Sulphuris pulverisati ————— uncias tres.

Calcinentur simul forti reverberii igne per horas aliquot, dum sulphuris odor profusevanuerit. Calcinati decuplum aquæ ferventis affunde, lixivium filtratum evapora ad pelliculæ apparentiam, & in loco frigido repone. Salem habebis candidum, siccum, & qui ab aere prorsus non dissolvetur.

Eadem ratione ex quamplurimis herbis supra recensitis Sales fixi vulgo parari solent.

Sales isti ob mixtionem acidi Sulphuris vix amplius alkalini, sed medii, ac Tartaro Vitriolato affines, diuretici quidem sunt ac deobstruentes, acidis vero retundendis minus apti. Interim sic parati in plerisque officinis præstant, quod Medici animadvertant.

Dosis a scrupulo semis ad drachmam semis.

Non

Non sunt audiendi qui docent Sales fixos herbarum methodo a nobis descripta, ac sine ulla Sulphuris additione paratos prohiberi non posse quin deliquescant; cum experientia contrarium ostendat: modo ne justo major adhibita fuerit calcinatio, neque evaporetur lixivium ad siccitatem, sed primæ crystallisationis glebulæ seorsim, ut par est, ab reliquis asserventur.

SAL TARTARI FIXUS

ALKALINUS.

℞. Tartari albi ————— quantum placet.

Calcinetur igne reverberii, & fiat lixivium sive Oleum Tartari per deliquium. Oleum hoc evaporetur ad siccitatem: remanebit Sal alkalinus acerrimus, adhuc fervidus in vase vitreo claudendus. Est enim siccitatis prorsus impatiens, ac sponte iterum in lixivium sive Oleum facillime dissolvitur.

Sal pariter ac Oleum alkalina sunt omnium valentissima: acida citissime destruunt, & liquorum consistentiam solvunt: pro corrigendis aliis medicamentis, & ad varia chymicorum opera sæpius adhibentur.

SAL TARTARI FIXUS

CUM SULPHURE.

℞. Tartari albi ————— libram unam,

Sulphuris ————— uncias tres.

Pulverisata simul calcinentur forti reverberii igne

Ccc 2

per

per plures horas, donec sulphuris odor omnino evanescat: massæ calcinatæ affunde Aquæ ferventis decuplum; lixivium filtratum evapora ad siccitatem. Salem habebis quem rursus aqua dissolves, solutionem vero ad pelliculæ apparentiam evaporabis, ac in loco frigido repones ad crystallisationem.

Sal Tartari ita paratus siccus quidem evadit, sed ob admixtum Sulphuris acidum alkalinam indolem deponit, fitque verus sal medius Tartaro Vitriolato natura & viribus congener; ceterum siccis pulveribus vix aliter quam sub hac forma misceri patitur. Errant qui eo utuntur in medicamentis, & chymicis dissolutionibus, in quibus ut menstruum vere alkalinum expetitur.

Dosis a scrupulo semis ad drachmam semis:

NITRUM FIXUM ALKALISATUM.

℞. Nitri depurati ————— quantum placet.

Liquefiat in crucibulo igne per gradus aucto: liquefacto carbonem accensum immitte, qui cum strepitu & flamma brevi consumetur. Injice rursus alium carbonem: contingent omnia ut prius; sic perge donec injectus carbo non amplius cum impetu deflagret: erit massa in crucibulo fixa acerrima, quæ refrigerata sponte liquefcet ab humiditate aeris. Sic habebitur Liquor Nitri fixi, qui ad siccitatem evaporatus Salem præbebit fixum, alkalinum, a Sale Tartari non multum dissimilem.

Ad eadem valet ad quæ Sal, & Oleum Tartari per deliquium.

S A L E S C O M P O S I T I ,
E T A R T I F I C I A L E S .

TARTARUS SOLUBILIS.

R. Cremoris Tartari pulverisati — libram unam,

Aquæ fontis ————— libras decem.

Decoque in vase stanno obducto, quoad Cremor Tartari dissolvatur. Instilla guttatim ex alto

Olei Tartari per deliquium — quantum sufficit;

tamdiu pergens dum instillatæ Olei Tartari guttæ non amplius effervescentiam fuscitent. Liquorem adhuc fervidum filtra per pannum laneum, & evapora ad apparentiam pelliculæ. Repositus in frigore dabit crystallos salinas, ad latera vasis concrecentes, quas ad usum leniter siccabis.

Sunt qui Cremoris Tartari uncias octo, Salis Tartari alkalini uncias quatuor aqua fervida simul dissolvant, solutionem evaporent, & sic Tartarum solubilem comparent: non tamen æque certi sunt, verum se attingisse punctum saturationis utriusque salis.

Stomum solvit, detergit, ac sine molestia purgat.

Dosis a drachma una ad drachmas sex.

Si loco Olei Tartari per deliquium Lixivium adhibeas Salis Alkali Vitriariorum, Salem habebis gallice dictum *Sel de Seignette*.

TAR-

TARTARUS VITRIOLATUS.

℞. Olei Tartari per deliquium — quantum placet,
Spiritus Vitrioli fortioris — quantum sufficit.

Oleo Tartari in amplam phialam immisso, instilla guttatim Spiritum Vitrioli: effervescentia ingens suscitabitur: perge donec instillata Spiritus Vitrioli gutta nullam ebullitionem excitet; quod erit perfectæ saturationis indicium. Liquorem affusione aquæ fervidæ dilue, filtra, & evapora in vitro ad pelliculam; repone vas in loco frigido: crystallifabitur ad latera Sal candidus, quem siccatum usui servabis.

Deobstruens est longe efficacissimum, ad suppressionem mensium, cachexiam, hepatis ac lienis infarctus cum successu adhibetur.

Dosis a scrupulo semis ad drachmam semis.

Non legitima est methodus eorum qui Salem Tartari cum Sulphure, ut ajunt, fixatum Spiritu Vitrioli affuso semel nutriri volunt, & ad Solem exsiccare. Sal enim Tartari acido Sulphuris antea imbutus accessione Spiritus Vitrioli aciditatem justo majorem, & alkalina indoli prævalentem adipiscitur.

SAL POLYCHRESTUS.

℞. Nitri depurati,
Florum Sulphuris, — ana partes æquales.

Misceantur exacte: pulvis injiciatur exigua portione per vices in crucibulum a circumposito igne can-

candefactum: deflagrabit injecta portio celeriter singulis vicibus, & remanebit in fundo massa cinerea. Hanc solve aqua ferventi: solutionem filtra per chartam: evapora ad apparentiam pelliculæ, & reponere in loco frigido: habebis Salem albiſſimum, quem ad uſum ſervabis.

Ad obſtructiones, ac febres intermittentes.

Dosis a ſcrupulo ſemis ad drachmam ſemis.

SAL DE DUOBUS MYNSICHT.

SIVE

ARCANUM DUPLICATUM.

℞. Capitis mortui ab extractione Aquæ fortis reſidui — libram unam.

Diluatur libris decem Aquæ ferventis: bulliat ad conſumptionem tertiæ partis: ſolutio filtrata evaporetur ad ſiccitatem. Salem habebis candidum, quem per horas duodecim igne reverberii calcinatum iterum ſolves, iterumque exſiccabis: repetita calcinatione rurfus eum in aqua diſſolves, & filtratum liquorem evaporabis ad apparentiam pelliculæ, ut fiat ex arte cryſtalliſatio.

Ejuſdem naturæ eſt Sal reſiduus ab extractione Spiritus Nitri methodo Glauberiana, & proprie dicitur Nitrum Vitriolatum.

Arcanum duplicatum, Nitrum Vitriolatum, & Sal Polybreſtus nomine magis quam re inter ſe differunt. Diuretica ſunt

sunt omnia, diaphoretica, & paulo copiosius assumpta alvum movent.

Dosis a scrupulo semis ad drachmam semis.

SAL MIRABILIS

GLAUBERI.

Emergit ab extractione Spiritus Salis Marini methodo Glauberiana.

Similis censetur Sali Cathartico Anglico: alvum movet, & urinam pellit, externe admotus a gangrana, ac putredine defendit.

Dosis a scrupulo semis ad drachmam semis.

SAL DIGESTIVUS

SYLVII.

Fiat ex massa salina quæ post Spiritum Salis Ammoniaci extractum ope Salis Tartari remanet in fundo cucurbitæ; cui si fervidam aquam affuderis, & filtratam solutionem evaporaveris ad pelliculam, concreſcent cryſtalli cubicæ ſimiles Sali Marino, quas ſi libuerit ſervabis titulo Salis Digestivi, vel Salis Febrifugi.

Uſus in febris intermittentibus.

Dosis a granis octo ad grana triginta.

SPI-

SPIRITUS SALIS COAGULATUS

MYSICHT.

R̄. Salis Absinthii, vel alterius vegetabilis legitime
parati — quantum placet,

Spiritus Salis Marini ——— quantum sufficit.

Affunde guttatim Spiritum Salis supra Salem Absinthii, quoad cesset omnis effervescentia: adde etiam aliquantulum de Spiritu Salis, ut prævaleat aciditas: sic parata massa salina ad usum servetur.

Obstructiones hepatis ac lienis referat, diureticum est satis efficax, & in hydropse habetur pro specifico.

Dosis a granis sex ad grana quindecim.

SAL CORALLIORUM.

R̄. Dissolutionis five Tincturæ Coralliorum Aceto
stillatio paratæ — quantum placet.

Evapora leni calore in vase vitreo ad siccitatem: remanebit in fundo Sal Coralliorum dictus, quem ad usum servabis.

Adstringendi ac roborandi vi præstare creditur.

Dosis a granis quinque ad grana quindecim.

Eadem ratione parentur


Sal Margaritarum,

Sal Matris Perlarum,

Sal Oculorum Cancrorum. &c.

Ddd

SA



SALES SEMIVOLATILES.

SAL SEDATIVUS

HOMBERGII.

℞. Boracis subtiliter pulverifata — uncias quatuor.

Immitte in retortam vitream, & affunde

Aquæ puræ ————— unciam semis,

ut massa instar pastæ mollioris humectetur: dein
superadde

Olei Vitrioli ————— drachmas decem.

Colloca retortam in reverberii furnulo, & ignem auge per gradus: prodibit phlegma in excipulum; flores deinde salini candidi paulatim sublimabuntur, & collo retortæ adhærescent, ejusque cavum implebunt. Absoluta operatione flores istos diligenter collectos seorsim asserva, titulo Salis Sedativi sublimati. Massam in fundo retortæ superstitem Aqua pura dissolve, ac filtratam evapora; addito etiam phlegmate quod initio prodiiit ex retorta: crySTALLIFABITUR sal nonnihil fixus, ejusdem tamen naturæ ac Sal Sedativus semivolatilis antea descriptus. Quin etiam Borace aqua dissoluta, ac justa Olei Vitrioli addita portione, solius crySTALLIFICATIONIS ope confici potest Sal Sedativus.

Ad violentas febrium accessiones sedandas commendatur, unde nomen.

Dosis a granis quatuor ad grana octo.

Si

Si Vitrioli Romani unciae quatuor, Boracis unciae duae Aqua pura solvantur, mixtaeque solutiones ob sedimenti cuiusdam subflavi praecipitationem filtratae indantur in cucurbitam, deinde instituatur distillatio, massa in fundo relicta, adhibito liquore per distillationem extracto, vel aqua diluatur, rursusque filtrata solutio distilletur, iterata pluries ac pluries operatione, portio aliqua Salis Sedativi hac etiam ratione sublimabitur.

FLORES SALIS AMMONIACI.

R̄. Salis Ammoniaci,

Marini, ——— ana partes aequales.

Pulverisati seorsim, postea commixti immittantur in ollam vel cucurbitam terream, cujus oris capitellum caecum aptetur, juncturis obferatis. Subjice ignem initio lentum, quem postea ad tertium gradum sensim augebis: sublimati flores capitello adhærebunt, quos refrigeratis vasis ad usum servabis.

In febribus intermittentibus cum fructu adhibentur: incidunt, attenuant, obstructions reserant, urinam ac sudores cient.

Dosis a granis quatuor ad grana quindecim.

Si loco Salis marini Limaturam ferri adhibueris, habebis Flores Salis Ammoniaci Martiales, si Lapidem hæmatitem, erunt Flores Salis Ammoniaci hæmatitici.

Ddd 2

SA

SALES VOLATILES.

SAL VOLATILIS AMMONIACUS.

R₂. Salis Ammoniaci ————— libram unam,

Tartari alkalini ————— libras duas.

Redige utrumque seorsim in pulverem, quem sic-
cissimum immitte in cucurbitam vitream: misce,
& affunde

Spiritus Vini rectificati — uncijs quatuor.

Digere per horas duodecim: distilla igne lento:
Spiritus Vini prodibit in excipulum; Sal autem Vo-
latilis capitello copiosus hærebit, quem refrigera-
tis vasis auferes, ac in phiala obturata diligenter
recondes.

In extractione Spiritus Salis Ammoniaci cum
Alkali fixo hujus ejusdem Salis portio colligitur.

*Odore acutissimo ac summe penetrabili animi defectibus
presens auxilium affert.*

SAL VOLATILIS AROMATICUS

OLEOSUS.

R₂. Salis Volatil^{is} Ammoniaci — uncijs duas,

Olei essentialis Rorismarini, vel alterius cujus-
libet aromatici — drachmam unam.
Mi-

Misceantur exacte in cucurbita vitrea; deinde instituat sublimatio ex lege artis, arenæ calore. Ascendet Sal Volatilis candidus, odore aromatico imbutus, quem ad usum servabis.

Ita Sales Volatiles ex variis plantarum Essentiis conficere poteris pro arbitrio.

Conveniunt cum reliquis Salibus Volatilibus urinosi; ratione autem Olei essentialis adjuncti singulares vires possident, cephalicas, cardiacas, antihystericas. Naribus utiliter admoventur in lipothymia & animi defectibus; quem in finem vulgo in vasculis limpidissimo e vitro confectis gestari solent.

SAL VOLATILIS CORNU CERVI.

Producitur unica operatione cum Spiritu & Oleo Cornu Cervi: ita etiam in extractione suorum Spirituum & Oleorum conjunctim prodeunt

Sal Volatilis Viperarum,
 Sal Volatilis Cranii Humani,
 Sal Volatilis Sanguinis Humani,
 Sal Volatilis Capillorum,
 Sal Volatilis Urinæ,
 Sal Volatilis Fuliginis. &c. v. pag. 350. 351.

qui si inquinatiores fuerint, ossium calcinatorum pulveri commixti, nova sublimatione in matraccio vitreo cæco capitello instructo arenæ calore instituta, ex arte rectificentur ac depurentur.

Par-

Partes omnes Animalium, Vegetabilia omnia putrefacta, quædam etiam ex istis non putrefacta, pariratione tractata ut Cornu Cervi copiosum suppeditant Salem Volatilem.

Sunt omnes alkalini, rodentes, acerrimi, de naturæ earum rerum, ex quibus eliciuntur instar aliorum Salium elementarium nihil retinent. Conveniunt in aquosis, acidis, austeris humorum morbis, & in torpore languido nervosi generis; in affectionibus etiam hypochondriacis, hysteriis, & aliis ab irregulari spirituum influxu productis.

Dosis a granis quatuor ad grana octo.

SAL VOLATILIS SUCCINI.

Emergit ex eadem operatione quæ adhibetur ad extrahendum Spiritum & Oleum Succini. Est autem purus quantum fieri potest colligendus: hic enim vix ulla rectificatio adhiberi potest, quæ maximam Salis partem disperderet.

Inter Sales Volatiles solus est acidus, modo fuerit sincerus, non Salis Ammoniæ, aut Cornu Cervi, vel alterius animalis substantiæ mixtione adulteratus. Diureticorum & antihysteriæ princeps habetur.

Dosis a granis quatuor ad grana octo.

Spiritus acidus distillatione e Succino productus, si ab Oleo rite depuratus lenissimo calore evaporetur, Salem relinquit paulo fixiorem, ejusdem tamen indolis cum Sale volatili Succini. V. pag. 374.

CON-

CONCRET A SALINA.

TERRA FOLIATA TARTARI

SIVE

TARTARUS REGENERATUS.

R^x. Salis Tartari alkalini siccissimi — unciam unam.

Immitte in cucurbitam vitream, & sine mora affunde

Aceti distillati acerrimi — unciis quatuor.

Applicato capitello distilla ad siccitatem: liquor insipidus prodibit, quem ut inutilem projicies: materiæ residuæ eandem Aceti stillatitii quantitatem superadde: rursus distilla ut supra; & ita procede, donec Acetum æque forte prolicias a distillatione ac fuerat antea. Massam superstitem dissolve in

Spiritus Vini ——— quantitate sufficienti.

Filtra, & evapora ad siccitatem: solutionem & evaporationem repete, quoad sicca & foliacea materies evadat; quæ tamen sua sponte facile iterum in oleosum liquorem solvetur.

Egregium censetur digestivum in humoribus crassis attenuandis & incidendis; calidis aque ac frigidis morbis convenit.

Dosis a granis sex ad grana viginti.

L A-

LAPIS CAUSTICUS.

℞. Cineris Quercus ad albedinem calcinati
— libras tres,
Calcis vivæ recentis — libram unam.

Superpone Cinerem Calci in vase idoneo, ita ut Calx omnino tecta sit: vas linteo cooperi donec materies incipiat findi ac dehiscere: affunde

Aquæ ferventis — libras sexdecim.

Bulliant simul & fiat lixivium, quod filtratum evaporetur ad siccitatem: materia in crucibulo igne reverberii liquefiat instar ceræ: projiciatur supra tabulam marmoream, & ante refrigerationem sece-
tur in partes justæ magnitudinis; quæ in vase opti-
me clauso, & loco sicco ad usum servantur.

Chirurgis usitatissimus est ad cauteria potentialia.

LAPIS DIVINUS

CODICIS PARISIENSIS.

℞. Vitrioli Cyprii,
Aluminis,
Nitri, — ana drachmas sex.

Pulverisata omnia & rite commixta in vase ido-
neo liquefiant arenæ calore: liquefactis adde

Camphoræ — drachmas duas.

Refrigerata massa usui servetur.

Usus in oculorum ulcusculis & lacrymatione.

L.A.

LAPIS MEDICAMENTOSUS

CROLLII.

℞. Vitrioli viridis ————— libram unam,

albi ————— libram semis,

Aluminis ————— libram unam & semis,

Salis marini,

Fellis Vitri, ————— ana uncias tres,

Salis Tartari,

Absinthii,

Artemisiz,

Cichorii,

Persicariæ,

Plantaginis, ————— ana unciam semis,

Aceti Rosati ————— libras duas.

Coque omnia simul lento igne in olla vitreata,
 spathula ferrea agitando: ubi densari cœperit ma-
 teries adde

Cerussæ ————— uncias sex,

Boli Armenæ ————— uncias quatuor.

Diligenter misce omnia, donec igne mediocri in
 lapidis duritiem massa concreseat.

*Ulcera maligna & venerea mundificat, dentes confir-
 mat, & gingivas a putredine præservat.*

Quinque Salium fixorum loco unicum Salem Ab-
 sinthii, vel alium quemlibet vegetabilem, ratione
 ponderis omnium servata, substituere tuto potes.

Ecc

S A-


~~~~~

# SALLES EXCOCTI ET CALCINATI.

## SAL PRUNELLÆ

ALIAS

## CRYSTALLUS MINERALIS.

℞. Nitri purissimi ————— libram unam,  
 Florum Sulphuris ————— unciam unam.

Liquefacto Nitro in olla terrea Flores Sulphuris per vices injice, quoad penitus deflagraverint: massam adhuc fluentem supra tabulam marmoream projice, vel totam simul, vel guttatim lenticularum forma, prout libuerit.

*In acutis & inflammatoriis morbis præscribitur instar Nitri simplicis: anginæ & aliis faucium morbis efficaciter succurrit.*

*Dosis a scrupulo semis ad drachmam unam.*

## ALUMEN USTUM.

℞. Aluminis rupei ————— quantum placet.

Calcinetur igne aperto in olla non vitreata, quæ pro majori parte remaneat vacua: sensim liquefactum tumescet, & in massam albam, levem, & rarefactam mutabitur, quam in usum servabis.

Adhi-



*Adbibetur a Chirurgis ad carnes superfluas & fungos consumendas.*

### VITRIOLUM CALCINATUM.

*℞. Vitrioli viridis ————— quantum placet.*

Imple ex eo ollam terream, eamque in foco statue: Vitriolum liquabitur. Bulliat ad consumptionem humiditatis. Massam habebis ex albo subviridem, quam usui repones: est Vitriolum calcinatum ad albedinem.

*Ad extractionem Spiritus, & alia chymica opera requiritur. Chalcitidis legitima loco adhibetur in compositione Theriacæ.*

### VITRIOLUM RUBIFICATUM

SIVE COLCOTHAR.

*℞. Vitrioli calcinati ad albedinem ————— quantum placet.*

Tractetur igne reverberii dum colorem acquirat obscure rubentem. Est etiam verum Colcothar id quod remanet in retorta ab extractione Spiritus & Olei Vitrioli.

*Extrinfecus adhibetur in hæmorrhagiis pro adstringenti; itemque in Cerato Diapalma veræ Chalcitidis loco.*